

**SESIÓN ORDINARIA DA XUNTA DE GOBERNO LOCAL CELEBRADA O DÍA 22 DE XUÑO
DE 2017.-**

ÍNDICE DE PUNTOS

PUNTO PRIMEIRO.- ACTAS ANTERIORES.-.....	3
PUNTO SEGUNDO.- LICENZA DE OBRA.-.....	3
PUNTO TERCEIRO.- EXPEDIENTE SANCIONADOR Á ENTIDADE ACCIONA AGUA-ESPINA SERVICIOS UTE AMES. DESESTIMACIÓN DE ALEGACIÓNS PRESENTADAS POLA ENTIDADE CONTRA RESOLUCIÓN DA ALCALDÍA 1117/2017 DE 4 DE MAIO DE 2017 E IMPOSICIÓN DE SANCIÓN.-.....	5
PUNTO CUARTO.- PRIMEIRA PRORROGA DO CONTRATO DO “SERVIZO DOS PROGRAMAS LÚDICOS DO CONCELLO DE AMES”.-.....	10

C.I.F.: P – 1500200 – I

SESIÓN ORDINARIA DA XUNTA DE GOBERNO LOCAL DO DÍA 22 DE XUÑO DE 2017.-

Na Casa Consistorial de Ames, sendo as nove horas e trinta minutos (9:30 h) do día vinte e dous (22) de xuño de dous mil dezasete (2017), reúnese a Xunta de Goberno Local deste Concello en sesión ordinaria de primeira convocatoria, baixo a Presidencia do alcalde, José Manuel Miñones Conde, e coa asistencia dos/as tenentes de alcalde, Genma Otero Uhía David Santomil Mosquera, José Blas García Piñeiro, Silvia Dapena Liñares, M^a Isabel Vaquero Quintela e Luísa Feijóo Montero..

Actúa de **secretaria** a titular da Corporación, Rosa Ana Prada Queipo.

PUNTO PRIMEIRO.- ACTAS ANTERIORES.-

O señor presidente pregunta aos asistentes se teñen algunha alegación que formular a acta da sesión anterior, correspondentes á **sesión ordinaria do 15 de xuño de 2017**, e que foi distribuída con anterioridade, en cumprimento do establecido no artigo 91.1 do Regulamento de organización, funcionamento e réxime xurídico das entidades locais, aprobado polo Real decreto legislativo 2568/1986 de 28 de novembro (ROF).

Non formulándose alegacións polos asistentes, a Presidencia declara aprobada a acta por unanimidade.

PUNTO SEGUNDO.- LICENZA DE OBRA.-

1.- Dáse conta da solicitude presentada por [REDACTED]

A Xunta de Goberno Local de 18 de decembro do 2014, [REDACTED]

escritura pública outorgada ante o notario Manuel María Romero Neira o 13 de xuño do 2014 (protocolo núm. 482)

Figuran no expediente informes favorables da arquitecta municipal e da asesora xurídica de Urbanismo. Figura tamén a conformidade da Intervención municipal ás consideracións tributarias deste expediente.

Expediente 2017/U022/000018

Cualificación polo PXOM: Núcleo rural disperso.

Superficie construída: 271,87 m².

Altura, volumes e ocupación da parcela permitidos: Altura máxima 7m e ocupación máxima: 30%.

Presuposto de execución material segundo o proxecto: 126.660,00 €.

Técnicos autores do proxecto: Manuel Requejo Conde (colexiado 708 COAG) e Ana Asunción Requejo Miguel (colexiado 3.613 COAG)

Descrición das obras: [REDACTED]

En aplicación da Ordenanza fiscal reguladora da taxa pola expedición de licenzas urbanísticas, efectuouse un ingreso por un importe de 310,85 euros.

Vistos os informes técnico e xurídico favorables obrantes no expediente, que propoñen a concesión da licenza solicitada, a Xunta de Goberno Local por unanimidade dos seus membros presentes, e previa delegación da Alcaldía (decreto 480/2016), adopta os seguintes acordos:

Primeiro.- Conceder, salvo o dereito de propiedade e sen prexuízo do de terceiro, licenza de obra a [REDACTED]

Segundo.- A eficacia da licenza concedida quedará supeditada ao cumprimento das seguintes condicións:

As sinaladas no informe da arquitecta municipal:

- Presentará aval ou fianza como garante de reposición de danos na vía, conexión dos servizos e acondicionamento por importe de dous mil seiscientos euros (2.600 €).
- Conectará cos servizos de saneamento e auga potable (sen conectar pluviais coas fecais) e acondicionará o fronte correspondente á ampliación de vía para o uso público en continuidade co preexistente; neste caso a beirarrúa xurde do recuamento na franxa de cesión e configúrase pola retirada do valado do peche vello respectando a súa base de pedra coma elemento etnográfico do núcleo rural e resultando unha bancada de separación entre calzada rodada e franxa peonil acondicionada en lousa céspede, salvo nos accesos aos garaxes en que se retira para permitir o paso aos vehículos. A intervención garantirá a continuidade no linde cunha intervención de conexión se é preciso nos frontes lindantes para accesibilidade desta franxa peonil. Aos efectos o estado actual parte ao linde norte do expediente rematado na parcela 9448309NH2494N polo que para evitar un “salto” e interrupción na franxa de dominio público á vista da solución de proxecto co acceso do garaxe ao linde e á cota da calzada terán axustar e rebaixar a fronte da referida parcela lindante para xerar unha transición accesible da beirarrúa. Ao linde sur prevese de xeito simultáneo a execución dunha vivenda unifamiliar coas mesmas obrigas e condicións e que non plantexa alteracións da rasante na franxa de cesión. Recuará ou soterrará as liñas aéreas no seu caso, e reporá os elementos deteriorados polo recuamento.
- As cubertas en pendente serán de tella segundo establece o PXOM e a ubicación e ocultación da unidade exterior de instalacións de aerotermia garantirá a integración ambiental.
- Non se alterará a rasante natural do terreo nos lindes da parcela con carácter xeral e calquera escavación ou movemento de terras preto no linde que proxecte a contención correspondente será executado por bataches ou asimilable garante de que non se produza o mínimo derrube na parcela colindante de xeito que non se condicionen as condicións de execución do peche do colindante.
- A obra deberá axustarse ao proxecto en base ao cal se lle outorga a licenza.
- Se o director da obra deixe de actuar nela poñerá en coñecemento do Concello. O propietario está obrigado a nomear e comunicar por escrito ao Concello novo facultativo director da obra.
- Disporase, a pé de obra, de copia autorizada da licenza municipal e do proxecto.
- Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública. Escombros e provisións de materiais non poderán amorearse na vía pública. O entullo levarase a vertedoiro autorizado, de acordo coa normativa.
- Ao remate das obras o propietario porá en coñecemento do Concello co certificado final de obra visado e asinado polos técnicos directores da obra. Non se concederá alta definitiva nos servizos municipais mentres non se teña obtido a pertinente licenza de primeira ocupación.
- Colocarase o cartel indicador de obra nun lugar visible dende o exterior.

As sinaladas no informe da asesora xurídica de Urbanismo:

- Os condutores de camións e os responsables das obras deberán coidar de que as rodas dos mesmos estean limpas de barro antes de acceder á vía pública, así como que a citada vía quede limpa.
- Instarase no Catastro Inmobiliario o procedemento de incorporación que corresponda pola modificación do inmovible derivada da actuación para a que se concede a presente licenza.

Terceiro.- A licenza caducará por mor da demora na iniciación e finalización das obras, así como por mor da súa interrupción; sendo o prazo máximo de iniciación de (6) seis meses e o de

terminación de (3) tres anos dende a data do seu outorgamento e non poderá interromperse por un período superior a (6) seis meses.

Cuarto.- Aprobar a liquidación provisional do imposto sobre construcións, instalacións e obras (ICIO) que ascende á cantidade de dous mil cincocentos trinta e tres euros con vinte céntimos de euros (2.533,20 €).

PUNTO TERCEIRO.- EXPEDIENTE SANCIONADOR Á ENTIDADE ACCIONA AGUA-ESPINA SERVICIOS UTE AMES. DESESTIMACIÓN DE ALEGACIÓNS PRESENTADAS POLA ENTIDADE CONTRA RESOLUCIÓN DA ALCALDÍA 1117/2017 DE 4 DE MAIO DE 2017 E IMPOSICIÓN DE SANCIÓN.-

Respecto ás alegacións presentadas por Acciona Agua-Espina Servicios UTE Ames en data 2 de xuño de 2017, rexistro de entrada 5534, figura no expediente informe da asesora xurídica de urbanismo de data 19 de xuño de 2017 do teor literal seguinte:

"ASUNTO: Expediente Sancionador. ACCIONA AGUA-ESPINA SERVICIOS UTE AMES

FASE INSTRUCCIÓN.

1. Mediante resolución de alcaldía de data 4 de maio de 2017, (Decreto 1117 / 2017), incoouse procedemento sancionador á entidade ACCIONA AGUA ESPINA SERVICIOS UTE AMES, en relación ás seguintes INFRACCIÓNS

.- Unha infracción administrativa grave, de conformidade co previsto na cláusula 21 u) do prego de cláusulas administrativas particulares, segundo o cal considerase infracción grave "Non facilitar á administración as tarefas de inspección e control dos servizos. Expresamente, considerase falta grave non facilitar á administración a información recollida na cláusula 27. B do presente prego".

.-Unha falta administrativa grave, de conformidade co previsto na cláusula 21 h) do prego de cláusulas administrativas particulares, segundo o cal considerase infracción grave "a desobediencia das ordes oficiais recibidas do Concello relativas á orde, forma e réxime da concesión, e en xeral, ás normas que regulan a prestación de servizos."

2: Na mesma resolución nomeouse instructor e secretario do procedemento a don Miguel Ángel Costoya Rabasco e dona M^a del Carmen Gamundi Fernández respectivamente, e concedeuselle trámite de audiencia aos interesados polo prazo de 15 días hábiles, indicándolles que, de non efectuar alegacións no prazo previsto sobre o contido do acordo de iniciación, este podería ser considerado proposta de resolución.

3. Con data 2 de xuño de 2017, (RE 000/5534), don Javier González Ordiz, na representación da mercantil ACCIONA AGUA ESPINA UTE SRVICIOS AMES, presenta escrito de alegacións, alegacións ás que fai resposta a tesoureira municipal, en data 14 de xuño de 2017, do seguinte xeito:

Antecedentes:

- 13/01/2017, formalizouse o contrato de xestión de servizos públicos do "Ciclo integral da Auga", entre o Concello de Ames e Acciona Agua Espina Servizos UTE Ames.
- 07/11/2016, (RXS 8623), o Concello de Ames require a Acciona Agua Espina Servizos UTE Ames, atendendo á súa condición de concesionaria do contrato de xestión de servizos públicos do "Ciclo integral da Auga",

A) para que proceda a remitir a información seguinte:

1.- Valores cobrados e pendentes de cobro dos padróns correspondentes ao 4º trimestre 2014 e seguintes incluído o do 2º trimestre de 2016 (a información darase separada por padróns e padróns complementarios, se fose o caso) ou a liquidacións.

2.- Valores cobrados e recibos pendentes dos padróns correspondentes ao 3º trimestre 2014 e anteriores ou a liquidacións.

3.- Modificacións realizadas de feito, sen que fosen aprobadas por esta administración, nos recibos ou liquidacións referidos nos puntos anteriores, con indicación do motivo da modificación (a información darase separada por padróns e padróns complementarios, se fose o caso)

Esta información será a actual a data 31/10/2016.

B) para que proceda a ingresar os importes que deriven dos cobros correspondentes ao Concello ou a anterior concesionaria como é a parte proporcional do 1º trimestre do 2015, así como de canon que se teña xerado dende o última ingreso.

C) para que informe das diferencias entre o que ten declarado como ingreso de canon da Xunta de recibos emitidos pola anterior concesionaria, que ascende a 2.820,28 (RXE 10738 de 28/09/2016) e o efectivamente ingresado o 30/10/2015 que ascende a 2.471,27 €. Xustifique a devolución de ingresos duplicados detectados e ingrese a diferenza que corresponda.

- Acciona Agua Espina Servizos UTE Ames, o 25/11/2016 (RXE 11782), contesta ao requirimento antes indicado, presentan documentación de padróns e cobros en formato "excel" e fan referencia a que nos días seguintes farían os ingresos que correspondesen. Non fan referencia a información solicitada no punto C do requirimento.
- Unha vez estudada a información, o concello require de novo a Acciona Agua Espina Servizos UTE Ames, o 06/02/2017 RXS 918, para que aporte a información de acordo co solicitado, proceda a realizar os ingresos dos importes que se identifican como pendentes no escrito, na conta do Concello, e a presentar as contas de recadación (que conterán as liquidacións postas ao cobro, os cobros realizados e as liquidacións pendentes) , así coma para que informe de forma definitiva sobre o recadado pola UTE en concepto de canon da auga que corresponden liquidar a anterior concesionaria e ao concello de Ames.
- Escrito da concesionaria de data 22/02/2017, no que indica que: "A información aportada recorre todos os requirimentos solicitados por el Concello de Ames". E informa sobre os ingresos que están pendentes, recoñecendo que non ten realizados os ingresos.
- Informe emitido o 06/04/2017, no que se analiza a Información remitida pola empresa Acciona Agua Espina Servizos UTE Ames en resposta ao requirimento realizado RXES 918 de 06/02/2017, constatando que se teñen producido incumprimentos por parte da concesionaria.
- Resolución de Alcaldía 1117/2017, que inicia o procedemento sancionados dando prazo para as alegacións á concesionaria
- Alegacións contra o inicio de procedemento sancionador, por resolución de alcaldía 1117/2017 de 09/05/2017, que se fundamentan en :

1.- O informe emitido non está fundamentado

2.- A información solicitada foi presentada, "Aunque los cobros no aparecen explícitamente ordenados por padrones, padrones complementarios y liquidaciones al igual que si se ha hecho en los archivos de INFORMESPADRON, mediante un simple filtro se puede visualizar dicha información de forma muy sencilla con unos conocimientos mínimos en la herramienta Excel que se sobreentiende que debería de tener la persona encargada de analizar los datos en el concello" (pág10). De saber que se requiría la información separada por padrones, padrones complementarios y en su caso liquidaciones, la concesionaria lo hubiese presentado.

Lexislación:

- Lei 7/1985, do 2 de abril, reguladora das bases de réxime local (LBRL).
- Real decreto lexislativo 781/1986, do 18 de abril, polo que se aproba o texto refundido das disposicións legais vixentes en materia de réxime local (TRRL).
- Real decreto lexislativo 3/2011, do 14 de novembro polo que se aproba o texto refundido da Lei de contratos do sector público (TRLCSP).
- Real decreto 817/2009, do 8 de maio, polo que se desenvolve parcialmente a LCSP.
- Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas (RGLCAP).
- Título III do Regulamento de servizos das corporacións locais, aprobado por Decreto do 17 de xuño de 1995 (RSCL), en canto non resulte modificado polas disposicións anteriormente referidas. Supletoriamente seranlle de aplicación as restantes normas de dereito administrativo e, no seu defecto, as normas de dereito privado.
- Regulamento do servizo municipal de abastecemento de auga potable, saneamento e depuración do Concello de Ames, publicado no BOP nº 86, de 08/05/2014.
- Prego de Condicións Administrativas e Prego de Prescricións Técnicas que rixen no procedemento aberto con varios criterios de adxudicación para a adxudicación do servizo público do "CICLO INTEGRAL DA AUGA" no Concello de Ames.

Informe:

Primeiro: O informe emitido, o 06/04/2017, pon de manifesto, en relación coa información e ingresos requiridos nos escritos de data 07/11/2016, (RXS 8623) e 06/02/2017 RXS 918:

- se a información requirida [primeiro o 07/11/2016 (RXS 8623) e aportada o 25/11/2016 (RXE 11782) e despois do requirimento 918 de 06/02/2017], axustase á solicitada. Neste caso conclúe que non se presenta a información na forma requirida.
- Se os ingresos se teñen producido a data do informe e no seu caso a data

Segundo: Alega a concesionaria que o informe, emitido pola que asina, carece de motivación e basease en afirmacións falsas, para engadir posteriormente que: “Aunque los cobros no aparecen explícitamente ordenados por padrones, padrones complementarios y liquidaciones al igual que si se ha hecho en los archivos de INFORMESPADRON, mediante un simple filtro se puede visualizar dicha información de forma muy sencilla con unos conocimientos mínimos en la herramienta Excel que se sobreentiende que debería de tener la persona encargada de analizar los datos en el concello”. Tamén indica que de coñecer as especificacións que se requirían polo Concello na presentación da información (que esta presentárase separada por padróns, padróns complementarios e no seu caso liquidacións) a concesionaria o tivera presentado.

Lémbrese que a cláusula 27.d) do Prego de Condicións Administrativas di que é obriga do concesionario entre outras, subministrar toda aquela información de explotación que lle requira o Concello de Ames en tempo e forma. **Esta obriga ten carácter de obriga esencial do contrato**, de acordo co recollido no art. 223.f do Real decreto lexislativo 3/2011, de 14 de novembro, polo que se aproba o texto refundido da lei de contratos do sector público.

O propio representante da concesionaria recoñece que a información non foi facilitada da forma que se solicitaba.

Non consta a que asina que a concesionaria teña entregada a información solicitada en formato corrixido.

Terceiro: Alega, en relación aos ingresos que corresponden ao concello:

a) Que os ingresos dos padróns de hixiene urbana 3º e 4º trimestres o 2016 fixéronse o 11/05/2017 e o 18/05/2017. O que confirma que as cantidade á data do informe de tesourería, 06/04/2017, non estaban ingresadas e que estas ingresáronse fora de prazo, sen prexuízo de que as datas dos ingresos non coinciden coas datas de abono na conta municipal.

b) Que a parte proporcional do 1º trimestre de 2015, que non forma parte da retribución dio concesionario non ten sido ingresada, fundamentando a falta de ingreso en unha suposta débeda dun terceiro e a falta de convenio entre o concello de Ames e de Brión. De novo, confirmase que a cantidade reclamada non estaba ingresada o 06/04/2017. Lémbrese que este ingreso está en poder da concesionaria dende antes do 15/07/2015 e que non forma parte da súa retribución.

c) Que os Costes de mantemento da Edar- Calo – Milladoiro, notificados o 22/09/2016, non se ingresarán ata que se remita factura, carta de pago ou similar. Os custes de de mantemento da Edar Calo- Milladoiro, debe asumilos a empresa Acciona Agua Espina Servizos UTE Ames de acordo cos pregos de cláusulas administrativas particulares que rexen a contratación. O requirimento fíxose polo importe correspondente a 11 mensualidades do exercicio 2015, estando pendente o que corresponde aos exercicios 2016 e 2017.

Confirmase que non se tiña realizado ingreso, o 06/04/2017, do importe requirido 57.364,95 € correspondente a 11 mensualidades do exercicio 2015. Sen prexuízo do anterior, indicar que a carta de pago será emitida non momento en que o ingreso se realice por parte concesionaria e tras o seu rexistro na contabilidade municipal.

d) Cantidades pendentes de ingreso do canon. Admítese pola concesionaria que os ingresos se teñen retrasado. Lémbrese que de acordo cos pregos que rexen a contratación o canon pagarase por cuadrimestres, dentro do mes seguinte ao seu remate, nembargante:

- O período que rematou o 15/12/2016, foi pagado pola concesionaria o 12/05/2017, segundo as alegacións (ingresado en conta municipal o 15/05/2017), ascende a 140.000,00 €

- O período rematado o 30/04/2017, non se ten abonado a data do informe, tendo rematado o prazo do mes para realizalo.

Xustifica o concesionario que o retraso no pago do canon débese as cuantiosas facturas adebedadas polo concello á concesionaria, que ascenden a 98.243,70 € (segundo o cadro da páxina 17 das alegacións). Os datos de presentación e pago das facturas son os seguintes:

Factura	data emisión	importe	data presentación no concello	Data pago	Data devolución	Motivo de devolución
AMF/2017/68	02/02/2017	16.646,43 €	02/02/2017	19/05/2017		
AMF/2017/6	10/01/2017	22.975,35 €	26/01/2017	19/05/2017		
AMF/2017/5	10/01/2017	1.718,82 €	11/01/17	07/03/17		
AMF/2016/373	02/12/2016	21.418,88 €	02/02/17		16/02/17	Non existe conformidade do departamento responsable do gasto
AMF/2016/297	08/11/2016	33.988,05 €	02/02/2017	19/05/2017		
AMF/2016/291	28/10/2016	431,67 €	28/10/16	30/11/16		
AMF/2016/218	05/08/2016	1.064,50 €	02/02/17		08/02/17	Non existe conformidade do departamento responsable do gasto.

Indicar que o importe do canon supera o importe das facturas de forma mais que significativa, que algunhas estaban devoltas a data da presentación das alegacións e o resto pagadas, que a concesionaria debe outros importes ademais do canon ao concello de Ames que superan con creces os das facturas que a concesionaria reclama.

CONSIDERACIÓNS LEGAIS

Lexislación aplicable:

- Lei 7/1985, de 2 de abril, reguladora das bases de réxime local, (LRBRL)*
- Regulamento Do Servizo municipal de abastecemento de auga potable, saneamento e depuración do Concello de Ames, (BOPnº 86 de 8 de maio de 2014)*
- Contrato de xestión do servizo público ciclo integral da auga do Concello de Ames: prego de cláusulas administrativas particulares.*
- Lei 39 /2015, de 1 de outubro, de procedemento administrativo común das administracións públicas.*
- Lei 40/2015, de 1 de outubro, de réxime xurídico do Sector Público*

IMPULSO DO PROCEDIMENTO:

I.- A potestade sancionadora das administracións públicas exercerase cando fose expresamente recoñecida por unha norma de rango de lei, con aplicación do procedemento previsto para o seu exercicio e de acordo co establecido nesta lei e na Lei de Procedemento Administrativo Común das Administracións públicas e, cando se trate de Entidades Locais, de conformidade co disposto no Título XI da Lei 7/1985, de 2 de abril. (Artigo 25 da Lei 40/2015, de 1 de outubro, de réxime xurídico do Sector Público)

II: Unha vez presentadas as alegacións ou transcorrido o prazo do trámite de audiencia de 15 días concedido ás partes, non foi solicitada práctica de proba algunha, polas partes interesadas, de conformidade co previsto no artigo 77 da Lei 39/2015, de 1 de outubro, do procedemento administrativo común das administracións públicas e 25 e seguintes da Lei 40 /2015, de 1 de outubro, de Réxime Xurídico dos Sector Público, polo que procede continuar coa tramitación.

Compre sinalar a estes efectos que os feitos constatados por funcionarios aos que se lle recoñeza a condición de Autoridade e que se formalicen en documento público, observando os requisitos legais pertinentes ,terán valor probatorio, sen prexuízo das probas que en defensa dos respectivos dereitos ou interesases poidan sinalar ou achegar os propios interesados.

II.- Instruído o procedemento, o órgano instrutor do procedemento formulará proposta de resolución na que se fixarán de forma motivada os feitos, especificándose os que se consideren probados e a súa exacta cualificación xurídica, determinarase a infracción, e a persoa ou entidades que resulten responsables, especificando a sanción que propón que se impoña e no seu caso a adopción de medidas provisionais adoptadas polo instrutor do procedemento ou polo instrutor do mesmo.

III. A proposta de resolución notificarase aos interesados, con expresa indicación da posta de manifesto do procedemento por un prazo non inferior a dez días ao órgano competente para resolver.

IV. COMPETENCIA:

O órgano competente para resolver, de conformidade co artigo 25 da Lei 40/2015, de 1 de outubro, de réxime xurídico do Sector Público, artigos 139 e seguintes da Lei 7/1985, de 2 de abril, reguladora das bases de réxime local e artigo 123 do Regulamento do Servizo municipal de abastecemento de auga potable, saneamento e depuración do Concello de Ames, (BOP nº 86 de 8 de maio de 2014), que dispón:

“A facultade de instruír e resolver os procedementos sancionadores por infraccións deste Regulamento compételle á Xunta de Goberno Local ou, de ser o caso, ao órgano que teña delegada por esta a competencia, logo da instrución do correspondente expediente.”

Por todo o exposto con anterioridade, propónse á Xunta de Goberno Local, órgano competente, de conformidade co artigo 123.1 do do Servizo municipal de abastecemento de auga potable, saneamento e depuración do Concello de Ames, a adopción do seguinte:

ACORDO

PRIMEIRO.- A APROBACIÓN pola Xunta de Goberno Local, da proposta de resolución do órgano instructor, (don Miguel A. Costoya Rabasco), do procedemento sancionador incoado á mercantil ACCIONA AGUA ESPINA SERVICIOS UTE AMES, mediante Decreto 1117/2017, que se acompaña como documento anexo."

Figura no expediente proposta de resolución do órgano instructor, do teor literal seguinte:

"PROPOSTA DE RESOLUCIÓN DO ÓRGANO INSTRUCTOR

ASUNTO: Procedemento sancionador por infracción do prego de cláusulas administrativas particulares do Ciclo integral da Auga no Concello de Ames.

Don **Miguel Ángel Costoya Rabasco**, instructor do expediente sancionador incoado á mercantil ACCIONA AGUA-ESPINA SERVICIOS UTE AMES, e nomeado por Resolución de alcaldía de data 4 de maio de 2017, (Decreto 1117/2017), de conformidade cos artigos 89 e 90 da Lei 39/2015 do procedemento administrativo común das administracións públicas e unha vez instruído o expediente, emito a seguinte

PROPOSTA DE RESOLUCION

PRIMEIRO.- DESESTIMAR AS ALEGACIÓNS presentadas por don Javier González Ordiz, na representación da mercantil ACCIONA AGUA-ESPINA SERVICIOS UTE AMES, en data 2 de xuño de 2017, contra a resolución de alcaldía de data 4 de maio de 2017 pola que se incoaba expediente sancionador polos motivos expostos no informe de tesourería de data 14 de xuño de 2017.

SEGUNDO.- DECLARAR OS FEITOS expostos xa nos informes técnicos e xurídicos que serviron de base á incoación do expediente como CONSTITUTIVOS das seguintes infraccións:

Unha infracción administrativa grave, de conformidade co previsto na cláusula 21 u) do prego de cláusulas administrativas particulares, segundo o cal considerárase infracción grave "Non facilitar á administración as tarefas de inspección e control dos servizos. Expresamente, considérase falta grave non facilitar á administración a información recollida na cláusula 27.B do presente prego."

Unha infracción administrativa grave, de conformidade co previsto na cláusula 21 h) do prego de cláusulas administrativas particulares, segundo o cal considerárase infracción grave "a desobediencia das ordes oficiais recibidas do Concello relativas á orde, forma e réxime da concesión e, en xeral, ás normas que regulan a prestación dos servizos."

TERCEIRO.- IMPOR A SANCIÓN de multa pola contía de 6.001,00 euros cada unha delas. (12.002,00 EUROS).

CUARTO.- Indicar aos interesados o dereito que lles concede o artigo 85 da lei 39/2015, de 1 de outubro, de recoñecer a súa responsabilidade en calquera momento anterior á resolución do procedemento. Ao ter as sancións propostas unicamente carácter pecuniario, no caso de recoñecemento da responsabilidade aplicarase unha redución do 20% sobre as sancións propostas

QUINTO.- Advertir aos interesados de que, en caso de pagar voluntariamente a sanción imposta antes da resolución do presente procedemento sancionador, aplicarase unha redución da mesma do 20%.

SEXTO.- Notificar aos interesados, aos que, durante o prazo dos DEZ DÍAS seguintes poráselles de manifesto o expediente para que , en devandito prazo, efectúen as alegacións e presenten os documentos que teñan por conveniente.

SÉTIMO.- Remitir esta proposta ao órgano competente para a súa resolución, xunto con todos os documentos alegacións, actuacións e informacións que obren no mesmo aos efectos oportunos."

Visto o anterior, a Xunta de Goberno Local, por unanimidade dos seus membros presentes, adopta os seguintes acordos:

Primeiro.- Desestimar as alegacións presentadas por [REDACTED] na representación da mercantil ACCIONA AGUA-ESPINA SERVICIOS UTE AMES, RE 5534, de data 2 de xuño de 2017, contra a resolución de Alcaldía 1117/2017 de data 4 de maio de 2017 pola que se incoaba expediente sancionador.

A motivación da desestimación ven contida no informe de Tesourería de data 14 de xuño de 2017, e no informe da asesora xurídica de Urbanismo de data 19 de xuño de 2017, transcritos no corpo deste acordo.

Segundo.- Declarar os feitos expostos que serviron de base á incoación do expediente como

constitutivos das seguintes infraccións:

Unha infracción administrativa grave, de conformidade co previsto na cláusula 21 u) do prego de cláusulas administrativas particulares, segundo o cal considerárase infracción grave “Non facilitar á administración as tarefas de inspección e control dos servizos. Expresamente, considérase falta grave non facilitar á administración a información recollida na cláusula 27.B do presente prego.”

Unha infracción administrativa grave, de conformidade co previsto na cláusula 21 h) do prego de cláusulas administrativas particulares, segundo o cal considerárase infracción grave “a desobediencia das ordes oficiais recibidas do Concello relativas á orde, forma e réxime da concesión e, en xeral, ás normas que regulan a prestación dos servizos.”

Terceiro.- Impoñer unha sanción de multa pola contía de 6.001,00 euros, por cada unha das infraccións. O que xenera un total de 12.002,00 euros de sanción pecuniaria.

Cuarto.- Indicar aos interesados o dereito que lles concede o artigo 85 da Lei 39/2015, de 1 de outubro, de recoñecer a súa responsabilidade en calquera momento anterior á resolución do procedemento. Ao ter as sancións propostas unicamente carácter pecuniario, no caso de recoñecemento da responsabilidade aplicarase unha redución do 20% sobre as sancións propostas.

Quinto.- Advertir aos interesados de que, en caso de pagar voluntariamente a sanción imposta , antes da resolución do presente procedemento sancionador, aplicarase unha redución da mesma do 20%.

Sexto.- Notificar aos interesados que, durante o prazo dos dez días seguintes poráselles de manifesto o expediente para que , no devandito prazo, efectúen as alegacións e presenten os documentos que teñan por conveniente.

Sétimo.- Facultar ao alcalde-presidente do Concello de Ames para cantas actuacións e trámites sexan precisas para a mellor execución do acordado.

PUNTO CUARTO.- PRIMEIRA PRORROGA DO CONTRATO DO “SERVIZO DOS PROGRAMAS LÚDICOS DO CONCELLO DE AMES”.-

O 10 de maio de 2017, a empresa AGORA ABERTA SL., mediante instancia presentada por rexistro de entrada, con número 000/4455, solicita a primeira prorroga do contrato do “Servizo dos Programas Lúdicos do Concello de Ames”, en base á cláusula segunda do contrato asinado.

Visto o informe favorable de 16 de maio de 2017 emitido por M. Carmen Reboredo Grobas, en calidade de responsable do “Servizo dos Programas Lúdicos do Concello de Ames”.

Visto o informe de 12 de xuño de 2017 emitido por Secretaría sobre a lexislación aplicable e órgano competente para autorizar a primeira prorroga do contrato do “Servizo dos Programas Lúdicos do Concello de Ames”

Vista a conformidade emitida polo departamento de Intervención en relación coa primeira prorroga do contrato do “Servizo dos Programas Lúdicos do Concello de Ames”.

Visto todo o que antecede, a Xunta de Goberno Local, por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

Primeiro.- Prestar aprobación á primeira prórroga do contrato do Servizo dos Programas Lúdicos do Concello de Ames, tempada setembro 2017-xuño 2018, en base á cláusula segunda do contrato formalizado o 3 de agosto de 2015 e a Addenda ao contrato asinada o 24 de febreiro de 2017.

Segundo.- Notificar á empresa Agora Aberta SL, adxudicataria do contrato, o acordo de prórroga.

Terceiro.- Facultar ao alcalde-presidente do Concello de Ames para cantas actuacións e trámites sexan precisas para a mellor execución do acordado.

E non habendo máis asuntos que tratar levántase a sesión ás dez horas, estendéndose a presente acta que asina o señor presidente, do que certifico.